

“Ju do të më kërkoni dhe do të më gjeni,
sepse do të më kërkoni më gjithë zemër.”

**Si Mund Të
Njihemi Me
Perëndinë**

SI MUND TË NJIHEMI ME PERËNDINË

Sikurse Abrahami ishte shok i Perëndisë në saje të nënshtimit dhe bindjes ndaj Tij, edhe ti mund të njihesh me Perëndinë dhe të përjetosh mëshirën, paqen dhe bekimin e tij. Përvoja më e rëndësishme në jetë është njohja e Perëndisë në saje të një nënshtimi të vërtetë. Sa mrekulli është se Perëndia i zbulohet secilit që e kërkon me gjithë zemër!

Në qoftë se kthehesh prej rrugës sate të mëkatit dhe më të vërtetë i nënshtrohesh Perëndisë, shpirti i tij do të banojë në ty. Asgjë s'do të jetë në gjendje të të ndajë nga dashuria e tij nëse u beson premtimeve të tij dhe e ndjek Zotin me bindje. Ai do të jetë Perëndia yt dhe ti do të jesh prona e tij e çmueshme. Do të marrësh vesh se ai të shpërbleu me çmim të madh, dhe ai dëshiron të ketë bashkësi me ty—tani dhe në amshim.

Lutju Perëndisë të të japë mirëkuptim në kohën kur i studion këto faqe me citime nga Fjala e Perëndisë. Perëndia frymëzoi njerëz të mbushur me Shpirtin e tij për t'i shkruar këto fjalë dhe i ka ruajtur mrekullisht për shekuj gjatë shekujve me gjitha përpjekjet e Shejtanit (Satanit) për t'i shfarosur.

Citime në këtë broshurë u nxorën nga Bibla: Ligji (Tora), Psalmet (Zaburi), Shkrimet e profetëve dhe ungjilli.

Zoti, vetëm Zoti, është Perëndia ynë. Doje Zotin, Perëndinë tënd me gjithë zemër, me gjithë shpirt dhe me gjithë forcë.

—Përtëritja e Besëlidhjes 6,4b-5

Zoti i krijoi qiejtë—Ai është Perëndi! Ai e formoi dhe bëri tokën—Ai e bëri të patundur dhe të qëndrueshme. Ai nuk e bëri që të mbetej e shkretë, por një vend ku njerëzit mund të banonin. Ai thotë: 'Unë jam Zoti, dhe përveç meje s'ka perëndi tjetër.'

—Isaia 45,18

Kështu të gjitha kombet e botës do ta kuptojnë që Zoti, i vetmi, është Perëndi—përveç tij s'ka perëndi tjetër. —1 mbi Mbretërit 8,60

Unë, i vetmi, jam Zoti, Perëndia yt. Asnjë 'perëndie' tjetër nuk i lejohet ta ndajë madhësitinë time; s'do të lejoj që idhujt ta ndajnë lavdërimin tim. —Isaia 42,8

Ju jeni dëshmitarët e mi, thotë Zoti... që të më njihni dhe më besoni dhe ta kuptoni se unë jam i vetmi Perëndi. Përveç meje, s'ka perëndi tjetër; kurrë nuk ishte as s'do të jetë ndryshe. Unë, i vetmi, jam Zoti, i vetmi që mund t'ju shpëtojë.

—Isaia 43,10-11

Kthehuni tek unë, dhe shpëtoni, popujt e tërë botës! Unë jam i vetmi Perëndi që ekziston.

—Isaia 45,22

2 PERËNDIA ËSHTË I MËSHIRSHËM DHE ZEMËRMIRË

Zoti është plot mirësi dhe mëshirë, plot dashuri dhe durim të pakufijshëm. Sa i pamasë është qielli, aq është e madhe mirësia e Perëndisë ndaj te vetëve.

—Psalmi 103,8.11

Mirësia e Perëndisë është e përjetshme, ua mban besën atyre që e nderojnë, atyre që veprojnë sipas rregullave të besëlidhjes së tij.

—Psalmi 103,17a.18b

S'ka perëndi tjetër si ti, o Zot; ti i fal mëkatet e popullit tënd... sepse të pëlqen të na tregosh dashurinë tënde të qëndrueshme.

—Mika 7,18

Dashuria dhe mëshira e përherëshme dhe e sigurt e Zotit po vazhdojnë.

—Vajtimet e Jeremisë 3,22

Ai mund të na sjellë trishtim, por dashuria e tij për ne është e sigurt dhe e fortë.

—Vajtimet e Jeremisë 3,32

Kur njëri të do, o Zot, ti ia tregon dashurinë; dëgjesa e plotë shpërblehet me mirësinë e plotë.

—Psalmi 18,25a

Falënderoje Zotin, sepse Ai është i mirë; dashuria e tij është e amshueshme.

—1 i Analeve 16,34

Zoti erdhi nga larg dhe i thotë popullit të tij: kurrë nuk kam pushuar të së dashuri; prandaj ta mbaj besën si ditën e parë.

—Jeremia 31,3

Unë, i vetmi, i njoh planet që kam për ju; planet për t'ju sjellë lulëzim e jo fatkeqësi, planet për të realizuar të ardhmen për të cilën po shpresoni. —Jeremia 29,11

Zoti i thotë popullit të tij: 'Ju kam dashur gjithmonë.'

—Malakia 1,2a

Zoti i do të gjithë ata që e nderojnë, si ati e do fëmijën e vet.

—Psalmi 103,13

Hidhërimi im do të kthehet në

paqe. Ti do të ma shpëtosh jetën nga të gjitha rreziqet. Ti i fal të gjitha mëkatet e mia. —Isaia 38,17

Sidoqoftë ne jemi plotësisht të bindur që Perëndia na do. Ta duam, sepse Perëndia na deshi më parë. —Letra 1 e Gjonit 4,16a.19

Zoti, Perëndia yt, është me ty. Fuqia e tij të jep fitoren. Zoti do të kënaqet me ty, dhe nga dashuria e tij ai do të të japë jetë të re.

—Cefanija 3,17

Dashuria jote është e pa shoqe. Ti je Perëndia ynë, tek i cili gjejmë mbrojtje.

—Psalmi 36,7

Dashuria jote ka më shumë rëndësi për mua se sa jeta; për këtë do të të lavdëroj. —Psalmi 63,3

GJËJA KRYESORE NË JETË ËSHTË NJË MARRËDHËNIE PERSONALE ME PERËNDINË

Por ata që e njohin Perëndinë do të mbeten të fortë dhe do të bëjnë vepra të mëdha. —Danieli 11,32b

Në qoftë se ndokush dëshiron të mburret, ai duhet të mburret se më njeh mua dhe më kupton, sepse dashuria ime është e qëndrueshme dhe bëj atë që është e drejtë dhe e paanshme. Ja ato që më pëlqejnë. Unë, Zoti, kam folur.
—Jeremia 9,24

Sa i lumtur është ai që i zbaton urdhrat e Perëndisë dhe e kërkon Atë me gjithë zemër!

—Psalmi 119,2

Tani po jua jap zgjedhjen ndër-

mjet jetës dhe vdekjes, ndërmjet bekimit të Perëndisë dhe mallkimit të Perëndisë, dhe unë u bëj thirrje qiellit dhe tokës të dëshmojnë për zgjedhjen tuaj. Zgjidheni jetën. Dojeni Zotin, Perëndinë tuaj, dëgjojeni dhe mbajani besën.

—Përsëritja e Besëlidhjes 30,19b-20a

Ashtu siç një dre është i etur për ujë të freskët, ashtu më merr malli për ty, o Perëndia që vep-ron!

—Psalmi 42,1

Zoti tha: 'Unë do të vij me ty dhe do të të jap fitoren.'

—Dalja 33,14

NË JETËN TONË, PAVARËSIA NGA PERËNDIA SJELL VDEKJEN

5

Zoti është me ty, përderisa të jesh me Atë. Në qoftë se e kërkon, ai do të lejojë që ta gjesh, por në qoftë se i kthen shpinën, ai do të largohet nga ti. —2 e Analeve 15,2b

Kush mund ta kuptojë zemrën njerëzore. S'ka asgjë tjetër që është aq mashtruese; ajo është tepër e sëmurë për t'u shëruar.

—Jeremia 17,9

Ajo që ti mendon se është rruga e drejtë, mund të të çojë në vdekje.

—Fjalët e urta 16,25

Perëndia nuk shpëtoi as edhe engjëjt që mëkatuan, por i plan-dosi në humnerat e errta që të ruhen të lidhur në hekura për

gjyq. Kështu, Zoti di t'i shpëtojë nga halli ata që e nderojnë. Por të gjithë ata që veprojnë në kundërshtim me karakterin e Perëndisë duhet ta presin dënimin e tyre ditën e gjyqit.

—Letra 2 e Pjetrit 2,4.9

Por në qoftë se nuk e dëgjoni Zotin dhe nuk u bindeni urdhrave të tij, Ai do të jetë kundër jush dhe mbretit tuaj.

—1 mbi Samuelin 12,15a

Kush nuk mbetet i lidhur me mua, hidhet poshtë dhe thahet. Shermende të tilla do të mblidhen e do të hidhen në zjarr, ku do të digjen.

—Gjoni 15,6

QË TË NJIHEMI ME PERËNDINË, DUHET TA KËRKOJMË ATË

Ju do të më kërkonit dhe do të më gjeni, sepse do të më kërkonit më gjithë zemër. —Jeremia 29,13

Kërkoje urtësinë me aq këmbëngulje sikur të kërkoje argjend ose ndonjë thesar të fshehur. Në qoftë se bën kështu, do ta kuptosh se çfarë do të thotë frika nga Zoti, dhe do të mësosh për Perëndinë.

—Fjalët e urta 2,4b-5

Lutuni e do t'ju jepet. Kërkonit dhe do të gjeni. Trokitni dhe do t'ju hapen dyert. —Mateu 7,7

Askush nuk mund t'i pëlqejë Perëndisë në qoftë se nuk i beson atij. Kush do t'i afrohet Perëndisë duhet të jetë i bindur se Perëndia

vepron dhe i shpërblen ata që e kërkojnë. —Letra Hebrenjve 11,6

Unë i dua ata që më duan mua; kush më kërkon, më gjen.

—Fjalët e urta 8,17

Zoti është i mirë ndaj çdonjërit që i beson.

—Vajtimet e Jeremisë 3,25

Prej një njeriu Zoti i krijoi të gjithë popujt e botës. Donte që njerëzit ta kërkojnë e të marrin mundimin ta gjejnë. Ai është afër secilit prej nesh.

—Veprat e apostujve 17,26a-27

Në vendin tënd, unë do t'i kthehesha Perëndisë për t'ia paraqitur procesin tim. —Jobi 5,8

Zoti, Perëndia juaj, është i mirë dhe i mëshirshëm, dhe në qoftë se i ktheheni atij, ai do t'ju pranojë.

—2 e Analeve 30,9b

O Zot, ti je i mirë dhe i gatshëm t'i falësh mëkatet; ti je shpirtmadh ndaj atyre që të thërrasin për ndihmë.

—Psalmi 86,5

Afrojuni Perëndisë dhe Ai do t'ju afrohet juve.

—Letra e Jakovit 4,8a

Ai është afër atyre që i luten—të gjithë atyre që i luten me çiltëri.

—Psalmi 145,18

Zoti thotë: 'Tani, le ta rregullojmë çështjen. Ju jeni të ngjyrosur kuq me mëkat, por unë do t'ju bëj të pastër sikur bora. Megjithëse

njollat tuaja janë të ngjyrosura në të kuq, ato do të zbardhohen si leshi.'

—Isaia 1,18

Ju mundoheni me urdhrat, me të cilët ju kanë detyruar mësuesit e Ligjit. Ejani më mirë tek unë: unë do t'jua heq barrën. Unë nuk do t'ju mundoj dhe nuk do të shikoj asnjëri me përbuzje. Vijeni veten nën drejtimin tim dhe mësoni tek unë: atëherë do të gjeni paqen e vërtetë.

—Mateu 11,28-29

Unë s'do të refuzoj asnjëri që vjen tek unë.

—Gjoni 6,37b

Eja, secili që ka etje—këtu ka ujë! Ejani, ju që jeni pa para. Blini drithin dhe hani!

—Isaia 55,1a

PERËNDIA ËSHTË I SHENJTË

O Zot, kush është si ti?
... madhështor në shenjtëri?

—Dalja 15,11a

Askush s'është i shenjtë si Zoti;
askush nuk mund të krahasohet
me Të.

—1 mbi Samuelin 2,2a

Perëndia i gjithfuqishëm a s'do
të bëjë atë që është e drejtë?

—Jobi 34,10b

I shenjtë, i shenjtë, i shenjtë!
Zoti i gjithpushtetshëm është i
shenjtë! Madhështia e tij e mbush
botën.

—Isaia 6,3b

Unë jam Perëndia i lartë dhe i
shenjtë, i cili jeton përgjithmonë.
Unë banoj në një vend të lartë e të
shenjtë.

—Isaia 57,15a

Zoti është i drejtë në veprimin e
tij, dhe zemërgjerë në gjithçka që
bën.

—Psalmi 145,17

Vetëm Një ka që është mirë
—Perëndia!

—Marku 10,18b

Kush guxon, o Zot, të mos të
dëgjojë ty, e të mos e nderojë
emrin tënd.

—Apokalipsi 15,4a

Lavdërojeni Zotin, Perëndinë
tonë! Bini përmbys para malit të
tij të shenjtë! Zoti, Perëndia yt,
është i shenjtë!

—Psalmi 99,9

I shenjtë! I shenjtë! I shenjtë
është Zoti, Perëndia i gjithpushtetshëm.
Ai që ishte, Ai që është
dhe Ai që do të vijë!

—Apokalipsi 4,8b

ANËTARËT E POPULLIT TË PERËNDISË DUHET TË 9 BËJNË NJË JETË TË SHENJTË

Ti beson se është vetëm një Perëndi i vetëm? Mirë. Por këtë e besojnë edhe djajtë—dhe dridhen nga frika. Ti, njeri pa mend! A s'dëshiron ta kuptosh se feja që nuk të çon te vepra, është e kotë? Mos e mashtroni veten vetëm me dëgjimin e kësaj fjale. Ju duhet edhe ta zbatoni atë!

—Letra e Jakovit 2,19-20; 1,22

Kush pohon se e njeh (Perëndinë), por nuk e dëgjon, është gënjeshtar dhe e vërteta nuk banon në të. Por kush bën keq ose nuk e do bashkëbesimtarin e tij, nuk i takon Perëndisë. Nga kjo mund ta dini kush është fëmijë i Perëndisë

e kush është fëmijë i djallit.

—Letra 1 e Gjonit 2,4; 3,10

Zoti e urren sjelljen e njerëzve të këqinj, por i do ata që bëjnë çfarë është e drejtë.

—Fjalët e urta 15,9

Përpiquni për paqen me të gjithë njerëzit dhe për një jetë në përputhje me vullnetin e Perëndisë. Kush nuk e përfill këtë, s'do ta shohë Zotin.

—Letra Hebrenjve 12,14

Ai që ju ka thirrur, tha: Unë jam i shenjtë; prandaj ju duhet ta pasqyroni karakterin tim të shenjtë.

—Letra 1 e Pjetrit 1,15

Zoti kërkon këtë prej nesh: të bëjmë çfarë është e drejtë, të jemi të mirë ndaj njëri-tjetrit, dhe të jetojmë në bashkësi të përlur me Perëndinë tonë. —Mika 6,8b

Jini të shenjtë, sepse unë, Zoti juaj, jam i shenjtë.
—Kodi priftëror 19,2b

Duaje Zotin, Perëndinë tënd, me gjithë zemër, me gjithë fuqinë dhe mendjen tënde, dhe duaje të afërmin tënd si vetveten!
—Luka 10,27b

E urdhrat e Tij i njihni: Mos bëj vrasje! Mos bëj tradhti bashkëshortore! Mos vidh! Mos bëj dëshmi të rreme!
—Marku 10,19

Mos lejoni të kushtëzoheni nga bota. Përkundrazi, pranoni të shndërroheni plotësisht. Pranoni t'i jepni vetes një pikëpamje të re.
—Letra Romakëve 12,2a

Mos lër pas dore asnjë pjesë të ligjit dhe do të kesh sukses kudo që të shkosh. Shiko që libri i ligjit të lexohet me zë të lartë në mbledhjet tuaja fetare. Studioje natë e ditë, shiko që t'i bindesh gjithçkaje është shkruar në të. Atëherë do të kesh lulëzim dhe sukses.
—Joshua 1,8

Kini besim te Perëndia!

—Marku 11,22b

Janë shtatë gjëra që Zoti i urren dhe nuk mund t'i durojë: një shikim kryelartë, një gjuhë mashtruese, duart që vrasin njerëz të pafajshëm, një mendje që shpik plane të këqija, këmbët që largohen me nxitim për të bërë keq, një dëshmitar që tregon një gënjeshtër pas tjetrës, dhe një njeri që fut grindje mes shokëve.

—Fjalët e urta 6,16-19

Zoti thotë: 'Unë e dua drejtësinë, por e urrej shtypjen dhe krimin.'

—Isaia 61,8a

Por frikacakët, dhe të pabesët, të përdhosurit, vrasësit dhe tradhtarët bashkëshortorë, shortarët

dhe idhujtarët, e te gjithë ata që largohen nga e vërteta, fatin e kanë në liqenin që digjet me squfur të zjarrtë. Kjo është vdekja e dytë.

—Apokalipsi 21,8

Prandaj kini kujdes që askush të mos e shkelë premtimin ndaj gruas së tij... Unë e urrej divorcin, thotë Zoti.

—Malakia 2,15b-16a

Mos bëni plane për t'i bërë dëm njëri-tjetrit. Mos bëni deponim të rremë me be. Unë urrej mashtrimet, padrejtësinë dhe dhunën—

thotë Zoti.

—Zakaria 8,17

Zoti i sheh besnikët e tij, edhe të tjerët që e përbuzin. Kush e do dhunën, atë e urren Zoti.

—Psalmi 11,5

NJERËZIT NUK I ARRIJNË KËRKESAT E PERËNDISË

Ju njoh: në zemrat tuaja s'ka dashuri për Perëndinë. —Gjoni 5,42

Kush nuk i bindet edhe rregullores më të vogël të Ligjit, e shkel kështu tërë Ligjin.

—Letra e Jakovit 2,10

Pastaj thashë: 'Jam i humbur! Jam i dënuar, sepse çdo fjalë që thotë goja ime është e mëkatshme, dhe unë banoj mes një populli të cilit çdo fjalë i është e mëkatshme. E megjithatë, me sytë e mi, e kam parë Mbretin, Zotin e gjithpushtetshëm!' —Isaia 6,5

Në Shkrimin e shenjtë thuhet: Asnjeri nuk është në një raport të drejtë me Perëndinë. Sepse të

gjithë u bënë fajtorë dhe e humbën madhështinë që Perëndia ua dha. —Letra e Romakëve 3,10; 3,23

Kush e di se ç'duhet të bëjë dhe nuk e bën, bëhet fajtor.

—Letra e Jakovit 4,17

Por kush bën keq ose nuk e do bashkëbesimtarin e tij, nuk i takon Perëndisë.

—Letra i e Gjoni 3,10b

Ne të gjithë ishim si delet e humbura, secili shkonte udhës së vet.

—Isaia 53,6a

Kush mund të qëndrojë para Zotit, këtij Perëndie të shenjtë?

—1 mbi Samuelin 6,20b

VEPRAT TONA MERITUESE NUK MUND T'I PËLQEJNË PERËNDISË

13

Mund t'ju dëshmoj se me kaq zjarr marrin mundimin të kryejnë vullnetin e Perëndisë. Por zelli i tyre nuk ka për bazë njohje të drejtë të Perëndisë. Nuk kuptojnë se njeriu pajtohet me Perëndinë me anë të besimit te Mesia. Kërkojnë të pajtohen me Perëndinë me anë të veprave të tyre merituese kështu që nuk e pranian udhën e Perëndisë për shpëtim. —Letra Romakëve 10,2-3

Ne të gjithë kemi bërë mëkat; madje veprat tona të mira janë shkel e shko të prishura.

—Isaia 64,6a

Mund t'i premtoj jetë njeriut të

mirë, por në qoftë se fillon të mendojë se mirësia e tij e kaluar mjafton dhe fillon të mëkatojë, nuk do ta mbaj mend të mirën që bëri në të kaluarën. Ai do të vdesë për shkak të mëkateve të tij.

—Ezekieli 33,13

Në të vërtetë, përjashtohet mundësia që ndokush ta plotësojë vullnetin e Perëndisë, në qoftë se drejtohet nga vullneti i tij egoist. Askush nuk bëri gjithçka që kërkon Ligji. Prandaj askush nuk mund të dalë i pafajshëm para gjyqit të Perëndisë me anë të zbatimit të Ligjit.

—Letra Romakëve 8,8; 3,20a

Kështu erdhi në botë mëkati me anë të një njeriu, Adamit. Mëkati i Adamit solli me vete vdekjen, dhe kështu të gjithë ranë nën sundimin e vdekjes; sepse të gjithë pa përjashtim i trashëguan pasojat e mëkatit të Adamit.

—Letra Romakëve 5,12

Kur ai tërhiqet nga tundimi, mbarset njëkohësisht lakmimi i tij dhe lind mëkati. E kur mëkati rritet, e çon në vdekje.

—Letra e Jakovit 1,15

Ai që mëkaton, do të vdesë.

—Ezekieli 18,20a

Për shkak të mëkateve tuaja Ai nuk ju dëgjon. Mëkatet tuaja janë

ato të cilat ju ndajnë nga Perëndia kur kërkon ta adhuronit.

—Isaia 59,2

Kush është i vendosur të sillet drejt do të jetojë, por ai që me këmbëngulje nuk sillet drejt do të vdesë.

—Fjalët e urta 11,19

Zoti Perëndi ju pyet: Përse nuk iu bindët urdhrave të tij dhe sillni në vete fatkeqësi? Ju e braktisët Zotin, prandaj ai ju braktisi ju.

—2 e Analeve 24,20b

Rebelimi kundër Tij është aq i keq se sa magjia, dhe mendjemadhësia aq e mëkatshme sa edhe idhujtaria. Meqë ti e ke refuzuar urdhrin e Zotit, Ai të ka refuzuar ty —1 mbi Samuelin 15,23a

Drejtësia e Perëndisë tashmë po vepron. Zemërimi i tij i shenjtë u drejtohet të gjithë atyre që nuk e nderojnë e që nuk ia përfillin vullnetin. Ata e dinë të vërtetën, por e mohojnë me sjelljen e tyre.

—Letra Romakëve 1,18

Pasi këta njerëz e mbanin për të panevojshme ta kërkonin Perëndinë e ta merrnin seriozisht, Perëndia lejoi që t'i dorëzoheshin mendjeve të tyre te çrregullta, e kështu t'i bëjnë veprat që nuk merren dot me mend. Tek ata zë vend gjithfarë padrejtësie dhe poshtërsie. Janë mbushur plot me lakmi, keqdashje dhe smirë. Bëjnë vrasje, shkaktojnë grindje dhe

mashtrojnë. Ngrenë gracka për njëri-tjetrin, flasin me keqdashje për të afërmit, dhe shpifin ndaj tyre. E urrejnë Perëndinë. Ata janë brutalë, arrogantë dhe mburra-vecë. Kurdisin gjithnjë e më shumë krime. Nuk i dëgjojnë prindërit, dhe veprojnë vetëm sipas kokës së tyre. Nuk mbajnë premtimet, s'e njohin as dashurinë as mëshirën. Me sjelljen e tyre e dinë fare mirë se të gjithë ata që sillen ashtu meritojnë, sipas vendimit të Perëndisë, dënim me vdekje. Megjithatë, nuk ndalen këtu, por i nxitin edhe të tjerët të veprojnë kështu. —Letra Romakëve 1,29-32

Çdo njeri vdes vetëm një herë dhe pastaj paraqitet para gjyqit të Perëndisë. —Letra Hebrenjve 9,27

Pashë edhe të vdekurit—të mëdhenj e të vegjël, në këmbë para fronit. U hapën librat. Pastaj u hap edhe një liber tjetër: libri i jetës. Të vdekurit u gjykuan sipas veprave të tyre që ishin shkruar në libra. Kushdo, emri e të cilit nuk u gjet i shkruar në librin e jetës, u plandos në liqenin e zjarrtë. —Apokalipsi 20,12.15

Sa e tmerrshme do të jetë për njeri të tillë të bjerë në duar të Perëndisë që vepron.

—Letra Hebrenjve 10,31

Por unë (Mesia) po ju them: në Ditën e Gjyqit njerëzit do të japin llogari për çdo fjalë të kotë që kanë folur!
—Mateu 12,36

Perëndia do të gjykojë gjithçka që bëjmë, qoftë e mirë, qoftë e keqe, edhe gjëra të bëra në fshehtësi.
—Kohéleti 12,14

Kështu do të ndodhë edhe në mbarimin e kësaj epoke: do të dalin engjëjt e do t'i ndajnë ata që nuk e dëgjuan Zotin nga ata që kryen vullnetin e tij. Kështu të pabindurit do të hidhen në furrë të ndezur, ku do të ketë të qara dhe kërcitje dhëmbësh.

—Mateu 13,49-50

Zoti sheh gjithçka që ndodh gjithkund; Ai na shikon, nëse bëjmë mirë ose keq.

—Fjalët e urta 15,3

O Zot, ti i di mendimet e mia më të fshehta, ti më njeh plotësisht. Kur të ulem ose të ngrihem, ti e di, ti i di nga larg planet e mia. Nëse veproj ose nëse pushoj, ti më sheh; çdo hap që të bëj të është i njohur. Para se të vijë ndonjë fjalë në gjuhën time, ti, o Zot, tashmë e ke dëgjuar.

—Psalmi 139,1-4

Zoti thotë: Nuk gjykoj sipas kritereve njerëzore. Njeriu e shikon pamjen e jashtme, por unë shoh zemrën.

—1 mbi Samuelin 16,7b

Ai që u dha njerëzve veshët, a nuk do të jetë i aftë për të dëgjuar? Ai që ua krijoi sytë, a vetë s'mund të shohë?

—Psalmi 94,9

Unë shoh gjithçka që bëjnë. Asgjë nuk mund të fshihet nga unë; mëkatet e tyre nuk i shpëtojnë shikimit tim.

—Jeremia 16,17

Asgjë s'ka të fshehur para Perëndisë. Gjithçka gjendet lakturiq e zhveshur para syve të Atij, të cilit do t'i japim llogari.

—Letra Hebrenjve 4,13

Ai sheh çdo hap që bën njeriu. S'ka errësirë mjaft të dëndur për ta fshehur mëkatarin nga Perëndia.

—Jobi 34,21.22

A mendoni se gëzohem kur të shoh se si vdes njeriu i keq?—pyet Zoti i gjithpushtetshëm. Jo, preferoja që të kthehej dhe të jetonte.
—Ezekieli 18,23

Jo. Po ju them: Në qoftë se ju nuk ktheheni prej mëkateve të Zoti, të gjithë ju do të mbaroni si ata.
—Luka 13,3

Kurrë nuk do të keni sukses në jetë në qoftë se përpiqeni t'i fshihni mëkatet tuaja. Pranojini dhe largohuni nga ato; atëherë Perëndia do të ketë mëshirë për ju.
—Fjalët e urta 28,13

'Por madje tani—thotë Zoti —kthehuni sinqerisht prej mëka-

teve dhe kthehuni tek unë me agjërim, vajtim dhe të qara. Që zemra juaj e copëtuar ta tregojë trishtimin tuaj; nuk mjafton t'i grisni rrobat.' —Joeli 2,12-13a

Kthehuni te Zoti dhe kjo lutje të jetë një flijim që i kushtohet Atij: 'Na i fal të gjitha mëkatet tona dhe pranoje lutjen tonë'
—Hoshea 14,2a

Ai do të thotë publikisht: 'Mëkatova. Nuk bëra drejt, por Zoti ma fali jetën . . . Ai më ruajti që të mos zbres në botën e të vdekurve, dhe ende mbetem në jetë.'
—Jobi 33,27-28

Kthejuni Zotit dhe lutju, tani që është afër. Që njeriu i keq të largohet nga mënyra e jetës së tij dhe ta shndërrojë pikëpamjen e tij. Që t'i kthehet Zotit, Perëndisë sonë; ai është i mëshirshëm dhe shpejton t'i falë mëkatet.

—Isaia 55,6-7

Kur ata janë të dëshpëruar dhe s'kanë më zemër, (Zoti) pranë u shkon dhe i ndihmon.

—Psalmi 34,18

(Ndoshta) ata do të kthehen prej mënyrës së keqe të jetës së tyre. Atëherë unë do t'ua fal mëkatet.

—Jeremia 36,3b

Prandaj vendosa t'i pranoja gabimet e mia. Atë që bëra, e

pranova; s'ta fsheha më fajin tim. E ti më fale gjithçka! —Psalmi 32,5

Por në qoftë se i pranojmë mëkatet tona, Perëndia është besnik dhe i drejtë: ai do të na i falë mëkatet e do të na pastrojë nga çdo faj. —Letra 1 e. Gjonit 1,9

Lërimi, pra, mëkatet tuaja e kthejuni Perëndisë që t'ju shlyhen ato. —Veprat e Apostujve 3,19a

Kthehu e lëri qëllimet e tua të këqija! Lutju Perëndisë që të ta falë mëkatin.

—Veprat e Apostujve 8,22

Kthimi do të thotë t'ia kthejë shpinën mëkatit e jo vetëm ta pranojë para Perëndisë.

NA DUHET NJË FLIJIM PËR TË NA PAJTUAR ME PERËNDINË

(krhz. me faqen 14)

Njeriu do të vërë dorën në kokën (e demit), dhe ky do të pranohet si flijim për t'i hequr mëkatet. Jeta e çdo qenie të gjallë gjendet në gjakun e tij, dhe për këtë Zoti ka urdhëruar që i gjithë gjaku të derdhet në altar për t'ua hequr mëkatet njerëzve. Derdhja e gjakut, i cili është jetë, ua heq mëkatet. —Kodi priftëror 1,4; 17,11

Në të vërtetë, sipas Ligjit, pothuajse gjithçka pastrohet me gjak dhe, pa derdhje gjaku nuk ka falje. —Letra Hebrenjve 9,22

Ju mund të zgjidhni ose një

dash ose një cja, por nuk duhet të jetë më i vjetër se njëvjeçar dhe të jetë pa të metë... Populli duhet të marrë pak gjak dhe me të t'i lyejë shtyllat e derës dhe arkitrarët e shtëpive ku do të hahen kafshët. Gjaku në shtyllat e derës do të jetë shenjë për t'i shënuar shtëpitë në të cilat banoni. —Dalja 12,5a.7; 13a

Abrahami iu përgjigj: 'O Biri im, Perëndia do ta sigurojë qengjin'... Abrahami shikoi rreth e rrotull dhe pa një dash prapa tij me brirë të zërë në kaçubë. Shkoi matanë, e kapi dhe e flijoj në vend të të birit. —Zanafilla 22,8a; 13

JEZUSI ËSHTË QENGJI I FLIJIMIT TË CILIN PERËNDIA NA E DHA

21

Të nesërmen, kur Gjoni pa se si Jezusi po i afrohej, tha: 'Ja, qengji i Perëndisë, që ia shlyen mëkatet botës!'

—Gjoni 1,29

Ai hyri një herë e përgjithmonë në shenjtëroren e pranisë së Perëndisë, dhe nuk duhej të sillte me vete gjakun e cjepve dhe të mëzetërve; përkundrazi, ai hyri duke sjellë gjakun e vet. Kështu i ka larë një herë e përgjithmonë mëkatet tona... ashtu edhe Mesia u flijua vetëm një herë për t'i shlyer mëkatet e të gjithëve.

—Letra Hebrenjve 9,12; 28a

Ju e dini se me çfarë çmimi u

çliruat... Ju nuk u çliruat me argjend ose me ar—ata e humbin vlerën e tyre—por me derdhjen e gjakut të çmueshëm të një qengji flijimi, me derdhjen e gjakut të Mesisë. —Letra 1 e Pjetrit 1,18a.19

Por me anë të gjakut të Mesisë arrihet shumë e më shumë. Mesia, në saje të shpirtit hyjnor të vet, ia kushtoi veten Perëndisë si flijim pa të meta. Gjaku i tij na pastron nga brenda nga mëkatet tona, që të mos bëjmë atë që na çon në vdekje, por që t'i shërbejmë Perëndisë, dhënësit të jetës.

—Letra Hebrenjve 9,14

LIRIMI ME SHPËRBLESE I SIGURUAR VETËM NGA PERËNDIA

Por me anë të veprimit të mëshirshëm të Perëndisë, të gjithë besimtarët dalin të pafajshëm në saje të Jezusit, Mesisë, i cili gjithashtu i çliron ata nga pushteti i mëkatit. Perëndia e paraqiti Jezusin para mbarë botës për ta bërë flijim pajtues, me anë të të cilit shlyhen mëkatet tona.

—Letra Romakëve 3,24-25a

Por Mesia vdiq për ne kur ishim ende armiq të Perëndisë. Kështu Perëndia na dëshmoi sa shumë na do. Por, pasi dolëm të pafajshëm para gjyqit të Perëndisë, sepse Mesia e derdhi gjakun e tij për ne, është edhe më e sigurt se ai do të

na shpëtojë nga dënimi që po vjen.

—Letra Romakëve 5,8-9

Në fakt, vetëm me mëshirë jeni të shpëtuar. Vetvetiu s'mund të bëni asgjë, veçse ta pranoni me besim atë që Perëndia bëri për ju. Shpëtimin tuaj nuk e meritoni, por ai është dhuratë e Perëndisë.

—Letra Efesianëve 2,8

Të gjithë profetët kanë folur për të dhe kanë parafolur, se secilit që beson në të, i falen mëkatet. Jezusi, Mesia, dhe askush tjetër s'mund t'ju sjellë shpëtim, sepse s'ka asnjë tjetër me anë të të cilit mund të shpëtojmë.

—Veprat e Apostujve 10,43; 4:12

... Perëndia e dërgoi engjëllin Gabriel në një qytet të Galilesë, që quhet Nazaret, te një e virgjër me emrin Mari... Dhe engjëlli i tha: 'Mos ki frikë, o Mari, sepse Perëndia të ka zgjedhur të lindësh Mesinë. Ti do të mbetesh shtatzënë dhe do të lindësh një djalë. Do t'ia vësh emrin JEZUS. Ai do të jetë i madh dhe do të quhet Bir i të Lartit Perëndi... Sundimi i tij do të jetë pa fund.' Pastaj Maria e pyeti engjëllin: 'Si do të ndodhë kjo? Unë jam akoma e virgjër!' Ai iu përgjigj: 'Shpirti i Zotit do të zbresë në ty dhe fuqia e tij do ta realizojë këtë. Për këtë arsye ky

fëmijë që do ta lindësh do të quhet I Shenjti, Biri i Perëndisë... S'ka asgjë të pamundur për Perëndinë.' 'Unë jam plotësisht në dorë të Zotit. Le të ndodhë ashtu si the ti—tha Maria. Pastaj engjëlli u largua nga ajo. —Luka 1,26-38

Ajo do të lindë një djalë: ti do t'ia vësh emrin Jezus (Shpëtimtar), sepse ai do ta shpëtojë popullin e tij nga mëkatet e tyre.

—Mateu 1,21

Të vetmit njerëz që hynë në këtë botë pa pasojat e një marrëdhënie seksuale ishin Adami dhe Krishti. Adami solli mëkat në botë, por Jezusi solli fitore mbi mëkat.

Në gjithçka ai ishte i njëllojtë me Perëndinë, e megjithatë nuk kapej pas privilegjeve hyjnore, por hoqi dorë nga ato vullnetarisht dhe u bë si një skllav. U bë njeri në këtë botë dhe mori pjesë në jetën e njerëzve. Nga dëgjesa ndaj Perëndisë, u poshtërua aq shumë sa që iu nënshtrua edhe vdekjes.

—Letra Filipianëve 2,6.8a

Unë dhe Ati jemi një. Ati më dha fuqi të plotë dhe më dërgoi në botë. Atëherë si mund të pohoni se 'shaj Perëndinë', sepse thashë se jam Biri i Perëndisë?

—Gjoni 10,30.36

Jezusi, Mesia, Fjala e përjetshme, ka ekzistuar gjithmonë.

Me anë të një mrekullie, Perëndia bëri që të mbarset në mitrën e Marisë. Fizikisht ai njihet si Biri i njeriut, kurse shpirtërisht si Biri i Perëndisë. Në Shkrimin e shenjtë përdoret fjala 'Bir' për të shpjeguar marrëdhënien që ekziston ndërmjet Perëndisë dhe Fjalës së Tij—Jezusit, Mesisë.

Prandaj Mesia, kur erdhi në botë, Perëndisë i tha... ma bëre gati trupin. —Letra Hebrenjve 10,5

Por me anë të Shpirtit të shenjtë u shfaq Biri i Perëndisë në fuqi të plotë kur u ngjall nga të vdekurit.

—Letra Romakëve 1,4

Pastaj Toma iu përgjigj: 'Zoti im dhe Perëndia im!' —Gjoni 20,28

Askush nuk mund ta mohojë: e madhe dhe e pashoqe është e vërteta që na ka bërë të njohur Perëndia: Në botë u paraqit si njeri, kurse në qiell Perëndia e deklaroi fitimtar.

—Letra 1 Timoteut 3,16a

Në atë banon Perëndia me tërë bollëkun e pranisë së tij.

—Letra Kolosianëve 2,9

Na lindi fëmijë, na lindi bir. Dhe ai do të jetë sunduesi ynë. Ai do të quhet Këshilltar i urtë, Perëndi i fuqishëm, Atë i përjetshëm, Princ i Paqes.

—Isaia 9,6

Jezusi u përgjigj: 'Me të vërtetë po ju them: Para se të lindte

Abrahami, UNË JAM (Zoti).'

—Gjoni 8,58

Ai ishte burimi i jetës dhe kjo jetë ishte drita e njerëzve... Bota u krijua me anën e tij, e megjithatë bota nuk e njohu.

—Gjoni 1,4.10

Sepse për të gjithë ka vetëm një Perëndi dhe vetëm një ndërmjetës në mes Perëndisë dhe njerëzve: njeriu Jezus Mesia. Dha jetën që të gjithë t'i çlirojnë nga mëkatet e tyre.

—Letra 1 Timoteut 2,5-6a

Me anën e tij na çliroi. Për hirin e tij na i fali mëkatet. Ai është shëmbëllesa e dukshme e Perëndisë së padukshëm.

—Letra Kolosianëve 1,14-15a

BIBLA (SHKRIMI I SHENJTË) ËSHTË FJALA E PERËNDISË

Sepse lajmi i profetëve nuk u hartua nga njerëzit. Profetët i zuri Shpirti i shenjtë, dhe ata thanë atë që ua futi në mendje Perëndia.

—Letra 2 i Pjetrit 1,21

Këtë e kishte shpallur prej kohësh me anë të profetëve të Zotit... Ti do t'i shpallësh popullit të Zotit, që tani po vjen shpëtimi i premtuar, sepse Zoti do t'ia falë mëkatet.

—Luka 1,70.77

Shpirtit i Zoti flet nëpërmjet meje; lajmi i Tij është në buzët e mia.

—2 mbi Samuelin 23,2

I tërë Shkrimi i shenjtë është frymëzuar nga Perëndia dhe i dob-

ishëm për mësim, për përgënjestrimitin e mësimëve të gabuara, për ndreqje, për edukim në jetën e drejtë.

—Letra 2 e Timoteut 3,16

Ajo që është shkruar në Shkrimin e shenjtë, u shkrua që të mësojmë prej saj, që të na japë zemër që të qëndrojmë të patundur dhe ta arrijmë qëllimin që po presim.

—Letra Romakëve 15,4

Nuk e kuptoni as Shkrimin e shenjtë as pushtetin e Perëndisë.

—Mateu 22,19b

Fjalën tënde e plotësove, po, bëre edhe më tepër se sa pritnim nga ti!

—Psalmi 138,2b

Ishte i mbëshjellë me mantel në ngjyrë gjaku dhe për emër quhet: 'Fjala e Perëndisë'.

—Apokalipsi 19,13

Në fillim ishte Fjala. Ky ishte me Perëndinë dhe vetë ishte Perëndi... dhe Fjala u trupëzua dhe banoi ndër ne. Ne e pamë madhështinë e tij, madhështinë e Birit të vetëm, që ia dha Ati.

—Gjoni 1,1.14a

Jezusi e zbulon Perëndinë

Perëndia tha njëherë: 'Nga errësira le të shndritë drita!' Kështu bëri të ndritë drita e tij në zemrën time që ta njohin njerëzit madhështinë hyjnore të cilën

rrezaton Jezusi, Mesia.

—Letra 2 Korintasve 4,6

Askush kurrë nuk e pa Perëndinë, por Biri i vetëm, që vetë është Perëndi, i një natyre me Atin, ai e bëri të njohur.

—Gjoni 1,18

Perëndia flet me anë të Jezusit

Në të kaluarën Perëndia foli shpeshherë dhe në mënyrë të ndryshme me të parët tanë me anën e profetëve. Por tani, në fund të kësaj kohe, na ka folur me anë të Birit. Nëpërmjet Tij, Perëndia e krijoi gjithësinë. Prandaj Perëndia caktoi që në fund do t'i takojë gjithçka.

—Letra Hebrenjve 1,1-2

28 KRAHASIMI NDËRMJET FJALËS SË SHKRUAR DHE FJALËS SË TRUPËZUAR

Bibla është ushqim për
shpirtin e njeriut

Gjithnjë do të bëj atë që më urdhëron Zoti; ndjek vullnetin e tij e jo dëshirat e mia. —Jobi 23,12b

Njeriu nuk jeton vetëm nga buka, por nga çdo fjalë që flet Perëndia. —Mateu 4,4b

Bibla ndriçon udhën tonë

Fjala jote është një pishtar për këmbët e mia, një lampë për udhën time. —Psalmi 119,105

Zbulimi i fjalës sate sjell dritë; u jep njerëzve të thjeshtë aftësi për të gjykuar drejt. —Psalmi 119,130

Jezusi është buka nga qielli

Unë jam buka e gjallë që erdhi nga qielli. Secili që e ha këtë bukë, do të jetojë përgjithmonë. Buka që do ta jap unë është trupi im. Unë e jap (të flijohet) që bota të jetojë... Unë jam buka që jep jetën. —Gjoni 6,51.48

Jezusi është dritë për botën

Ai ishte burimi i jetës dhe kjo jetë ishte drita e njerëzve... Jezusi duke iu drejtuar popullit përsëri vazhdoi: 'Unë jam drita e botës. Kush vjen pas meje, e ka dritën që e çon në jetë, dhe s'do të jetojë në terr.' —Gjoni 1,4.8,12

Bibla sjell jetën e frytshme

Sa i lumtur është ai që kënaqet me mësimin e Perëndisë, dhe natë e ditë lexon në Ligjin e tij dhe mendon për të. Ai i ngjan pemës që pranë lumit e kanë mbjellë. Gjethet e saj të gjelbëra e të freskëta rrinë dhe për çdo vit jep fruta. Një njeri i tillë ka sukses në çdo veprim që ndërmerr.

—Psalmi 1,2-3

Jezusi jep jetën e frytshme 29

Qëndroni të lidhur me mua, dhe unë do të mbetem i lidhur me ju. Vetëm në qoftë se qëndroni të lidhur me mua, mund të jepni fryt. Unë jam hardhia, kurse ju jeni shermendet. Kush jeton në mua ashtu si jetoj unë në të, jep shumë fryt. Në të vërtetë pa mua nuk mund të arrini asgjë.

—Gjoni 15,4a-5

SHKRIMET FLASIN PËR JEZUSIN, MESINË

Në Shkrimet e shenjta ju kërkoni dhe mendoni se në to do ta gjeni jetën e përjetshme—dhe pikërisht ato dëshmojnë për mua... Në qoftë se me të vërtetë i besoni Moisiut, do të më besoni edhe mua; sepse ai shkroi

për mua.

—Gjoni 5,39.46

E Jezusi ua tregoi ato që ishin shkruar rreth tij duke filluar që nga librat e Moisiut dhe duke vazhduar me librat e Profetëve e me gjithë Shkrimin. —Luka 24,27

FJALA E PËRJETSHME E PERËNDISË KURRË NUK NDRYSHON

Fjala jote, o Zot, mbetet përgjithmonë, tek ti ajo qëndron në qiell . . . Fjala jote është e vërtetë dhe e besuar, o Zot; atë që vendose vlen përgjithmonë.

—Psalmi 119,89.160

Bari thahet dhe lulet fishken, por Fjala e Perëndisë sonë do të qëndrojë përgjithmonë.

—Isaia 40,8

Derisa të jetë qielli dhe toka, asnjë shkronjë dhe asnjë presje nuk do t'i hiqet Ligjit—i tërë Ligji duhet të bëhet realitet.

—Mateu 5,18b

Ajo që shkruhet në Shkrimin e

shenjtë është e pakundërshtueshme.
—Gjoni 10,35b

Njeriu nuk guxon të ndryshojë Biblën.

Bëni gjithçka që ju urdhërova; mos i shtoni ndonjë as i hiqni diçka.

—Përtëritja e Besëlidhjes 12,32

Mos i shto gjë. Ndryshe, ai do të të ndëshkojë për këtë dhe do të tregojë që ti je gënjeshtar.

—Fjalët e urta 30,6

Por kush ia heq ndonjë fjalë këtij libri, atij do t'ia heqë Perëndia pjesën në pemën e jetës dhe në qytetin e shenjtë—të përshkruar në këtë libër. —Apokalipsi 22,19a

ME VDEKJEN E JEZUSIT U PLOTËSUA PLANI I PERËNDISË

31

Ati më do, sepse jam gati ta jap jetën time që ta fitoj përsëri ... Askush nuk ma merr atë, por unë e jap vullnetarisht. Kam pushtet ta jap dhe kam pushtet ta marr sërish. —Gjoni 10,17.18a

Jezusi iu përgjigj: 'Ke pushtet mbi mua, vetëm sepse Perëndia ta ka dhënë këtë pushtet.'
—Gjoni 19,11a

'A nuk e di që mund t'i kërkoj ndihmë Atit e Ai do të më dërgonte menjëherë më shumë se dymbëdhjetë legjione engjëjsh? Por atëherë si mund të plotësohen profecitë e Shkrimit të shenjtë që

thonë se kështu duhet të ndodhë?'
—Mateu 26,53-54

Por në këtë mënyë Perëndia bëri të realizohej atë që kishin parathënë të gjithë profetët: që Mesia i tij do të pësonte.
—Veprat e Apostujve 3,18

E megjithatë e kryqëzuat me anë të njerëzve të pafe. Por Perëndia këtë e kishte paracaktuar kështu. —Veprat e Apostujve 2,23

Zoti thotë: 'Sipas vullnetit tim vuajti; vdekja e tij ishte një flijim për të na sjellë ndjesë.'
—Isaia 53,10a

VDEKJA E JEZUSIT NJOFTOHET NGA DËSHMITARËT

Njëkohësisht kryqëzuan pranë Jezusit dy terroristë, njërin në të djathtë e tjetrin në të majtë. Kështu u plotësua pjesa e Shkrim-it që thotë: U numërua ndër keqbërësit.
—Marku 15,27-28

Ushtarët shkuan dhe ua thyen kërcinjtë të dy njerëzve që ishin kryqëzuar bashkë me Jezusin. Kur erdhën te Jezusi, vunë re se ai tashmë kishte vdekur. Prandaj nuk ia thyen kërcinjtë. Por njëri nga ushtarët e shpoi me heshtë në brinjë. Pastaj rrodhi gjak e ujë. Njeriu që e pa, dëshmoi për këtë. E dimë se ai tha të vërtetën dhe vetë ai e di. Prandaj mund t'i

besoni. Kjo ndodhi që të realizo-het ajo që ishte shkruar në Shkrimin e shenjtë: 'Asnjë kockë nuk do t'i thyhet.' Dhe në një vend tjetër thuhet: 'Do ta shohin Atë që shpuan.' —Gjoni 19,32-37

Por Jezusi bërtiti edhe një herë me zë të lartë e dha shpirt. Pastaj u gris në dy pjesë, nga lart poshtë, perdja që gjendej para vendit më të shenjtë të Tempullit... Një frikë e madhe e kapi kapitenin dhe ushtarët që po e ruanin Jezusin, kur i panë tërmetin dhe ngjarjet e tjera, thanë: 'Me të vërtetë ky paska qenë Biri i Perëndisë!'

—Mateu 27,50-51.54

E shpëtoi Jezusin nga pushteti i vdekjes dhe e ngjalli; vdekja nuk mund ta mbante të burgosur ... Pra, këtë Jezus e ngjalli Perëndia—të gjithë ne mund të dëshmojmë për këtë.

—Veprat e Apostujve 2,24.32

Meqë këta fëmijë janë njerëz të gjallë, Jezusi u bë njeri siç janë ata, që ta shfuqizojë atë që e kishte në dorë pushtetin e vdekjes, d.m.th. djallin. Kështu Ai i çliroi njerëzit që për shkak të frikës nga vdekja ishin skllevër për gjithë jetën e tyre.

—Letra Hebrenjve 2,14-15

O vdekje, ku është, fitorja jote? Ku është, o vdekje, pushteti

yt? ... Le ta falënderojmë Perëndinë që na e jep fitoren me anën e Jezusit, Mesisë dhe Zotit tonë!

—Letra 1 Korintasve 15,55.57

Unë jam Ai që vepron! Isha i vdekur, por tani jam i gjallë përgjithmonë. Unë kam pushtet mbi vdekjen dhe mbi botën e të vdekurve.

—Apokalipsi 1,18

Por kjo zgjidhje u bë e dukshme vetëm tani, sepse Jezusi, Mesia dhe Shpëtimtari ynë, erdhi në botë. Ai ia hoqi vdekjes pushtetin dhe e solli në dritë jetën që është jashtë pushtetit të vdekjes. Për këtë tregohet në lajmin e mirë.

—Letra 2 Timoteut 1,10

Dëgjoni mirë: unë qëndroj para derës dhe trokas: kush e dëgjon zërin tim dhe e hap derën, do të hyj tek ai. Do ta ha darkën me të dhe ai me mua. —Apokalipsi 3,20

Para Perëndisë është krejt ndryshe: kush pranon se s'ka asnjë punë merituese për të treguar, por i beson Atij që i amnistion plotësisht fajtorët, del i pafajshëm me anë të pranimit të amnistisë. —Letra Romakëve 4,5

Merreni Shpirtin e shenjtë! ... Lutuni, dhe Perëndia do t'ju japë, që të gëzoheni jashtë mase. —Gjoni 20,22b; 16,24b

Kush e do të atin e t'ëmën me shumë se mua, nuk është i denjë

të jetë nxënësi im... Pastaj Jezusi u tha nxënësve të vet: 'Kush do të vijë pas meje, duhet të heqë dorë nga vetja si edhe nga dëshirat e tij egoiste; duhet ta mbajë kryqin e vet dhe të vijë pas meje në rrugën time. Ai, pra, që do ta shpëtojë jetën e tij, do ta humbasë. Por kush e humb jetën e vet për hirin tim, do ta gjejë përsëri.'

—Mateu 10,37a; 16,24.25

Prandaj në qoftë se ti pranon me gojë: 'Jezusi është Zot' dhe në qoftë se me gjithë shpirt beson që Perëndia e ngjalli nga të vdekurit, do të shpëtosh.

—Letra Romakëve 10,9

Kjo dëshmi thotë: Perëndia na ka dhënë jetën e përjetshme dhe e marrim këtë jetë me anë të Birit të tij. Kush e ka Birin e Perëndisë, e ka edhe jetën. Kush nuk e ka Birin, nuk e ka as jetën.

—Letra 1 e Gjonit 5,11-12

Jetoj, e jo më unë, por në mua jeton Mesia. E këtë jetë që e jetoj tani në këtë botë, e jetoj i lidhur me Birin e Perëndisë me anë të besimit tek ai.

—Letra Galatasve 2,20a

Ju jeni të lirë nga Ligji që ju çonte në vdekje me anë të mëkatit; tani jeni të çliruar me anë të ligjit që ju çon në jetë me anë të Shpirtit dhe që ju lidh me

Jezusin, Mesinë.

—Letra Romakëve 8,2

Kush i takon Mesisë, u bë njeri i ri. Ajo që ishte njëherë, mbaroi; filloi diçka krejt e re.

—Letra 2 Korintasve 5,17

Ju u bëtë njerëz të rinj, të rilindur, por kësaj here, jo të lindur me anë të farës së njerëzve të vdekshëm, por me anë të Fjalës së Perëndisë që vepron dhe qëndron përgjithmonë... Ashtu si foshnjat sapo të lindura që qajnë për qumësht, edhe ju duhet të keni mall për Fjalën e kulluar të Perëndisë që të rriteni në fe e t'i arrini pikësynimit, shpëtimit të fundit. —Letra i e Pjetrit 1,23; 2,2

36 PERËNDIA ËSHTË ATË PËR POPULLIN E TIJ

Ati i jetimëve, përkrahja e ve-
jushave—ashtu është Zoti në ban-
esën tij të shenjtë! —Psalmi 68,5

Por ti, o Zot, je Ati ynë. Ne jemi
si baltë, kurse ti si poçari. Ti na
krijove... Por ti, o Zot, je Ati
ynë, ai që gjithnjë na shpëton.
—Isaia 64,8; 63,16b

Tani Zoti u thotë: 'Ju nuk jeni
populli im', por vjen dita kur ai do
t'u thotë: Ju jeni fëmijët e Perën-
disë që vepron.' —Hoshea 1,10b

Sado të këqij të jeni, ju dini t'u
bëni mirë fëmijvë tuaj, dhe u jep-
ni. Aq më tepër Ati juaj që është
në qiell, do t'u japë gjëra të mira
atyre që ia kërkojnë këto... Pran-

daj lutuni kështu: Ati ynë që je në
qiell, të nderofshin të gjithë
njerëzit! —Mateu 7,11; 6,9

Atëherë do t'ju tregoj dashurinë
time. Do të jem Ati juaj, e ju do të
jeni bijtë e mi dhe bijat e mia.
Këtë e thotë Zoti i gjithpushtet-
shëm. —Letra 2 Korintasve 6,17b-18

Të gjithë ata që udhëhiqen nga
Shpirti i Perëndisë janë bij të
Perëndisë. —Romakëve 8,14

Jua ka dhënë Shpirtin e tij, dhe
kjo tregon se ju nuk jeni skllevër
të tij, por fëmijë të tij. Meqë
Shpirti i tij jeton brenda jush, i
themi Perëndisë. 'Abba! O Atë!'
—Letra Romakëve 8:15b

NËPËRMJET JEZUSIT E NJOHIM PERËNDINË SI ATI YNË

37

Jezusi u tha: 'Unë jam rruga, e vërteta dhe jeta, dhe rrugë tjetër drejt Atit nuk ka. Në qoftë se më njihni mua tani, do të njiheni me Atin tim. Dhe tani e njihni atë dhe e patë . . . Atëherë edhe Ati im do ta dojë, ne do të shkojmë tek ai dhe do të jetojmë në të.'

—Gjoni 14,6-7.23b

Por, kur erdhi koha e përcaktuar, Perëndia na e dërgoi Birin e vet. Ai lindi si njeri që i nënshtrohet Ligjit për t'i çliruar të gjithë ata që ishin nën pushtetin e Ligjit, që të bëhemi fëmijë të Perëndisë. Ju jeni fëmijë të Perëndisë, sepse jeni të lidhur me të

me anë të besimit te Jezusi, Mesia. —Letra Galatasve 4,4-5; 3,26

Megjithatë, disa e pranuan dhe i besuan. Atyre u dha të drejtë të bëheshin fëmijë të Perëndisë.

—Gjoni 1,12

Por edhe në qoftë se ndokush, mëkatoi, e kemi njërin që është pa mëkat, që ndërhyr për ne tek Ati: Jezusin, Mesinë.

—Letra 1 e Gjoni 2,1b

Nëpërmjet tij mund që të dy, çifutë dhe joçifutë, t'i afrohen Perëndisë, Atit, me anë të të njëjtit Shpirt. —Letra Efesianëve 2,18

Perëndia është dashuri. Kush jeton në dashuri, jeton në Perëndinë dhe Perëndia jeton në të.

—Letra 1 e Gjonit 4,8.16b

Jini mirëdashës e të gatshëm për ta ndihmuar njëri-tjetrin dhe faleni njëri-tjetrin, sepse edhe Perëndia jua fali mëkatet me anë të Mesisë. —Letra Efesianëve 4,32

Në qoftë se e doni njëri-tjetrin, do të dihet se jeni nxënësit e mi.

—Gjoni 13,35

Por, Shpirti i Perëndisë bën që të rritet si fryt një shumicë e të mirave, si: dashuria, gëzimi, paqja . . . —Letra Galatasve 5,22a

Perëndia, pra, na ka shpallur të pafajshëm, sepse kemi besuar në

Jezusin, Mesinë. Tani ndërmjet Tij dhe nesh mbretëron paqja. Jezusit, Mesisë, Zotit tonë, ia detyrojmë këtë.

—Letra Romakëve 5,1

Unë do të gëzohem dhe do të ngazëllohem, sepse Zoti është shpëtimtari im. —Habakuku 3,18

Ti do të ma tregosh udhën që më çon për në jetë; prania jote më mbush me gëzim . . .

—Psalmi 16,11

Më në fund po jua jap paqen, paqen time, dhe jo paqen që jep bota. Mos u trembni, mos kini frikë! Por ju do të më shihni dhe do të jetoni, sepse edhe unë jetoj.

—Gjoni 14,27

JEZUSI DO T'I NGJALLË DISHEPUJT E TIJ TË VËRTETË

39

Në të vërtetë, në qoftë se banon brenda jush Shpirti i Atij që e ngjalli Jezusin nga të vdekurit, atëherë Perëndia me anë të Shpirtit që jua ka dhënë do të ngjallë edhe trupin tuaj të vdekshëm.

—Letra Romakëve 8,11

Në të vërtetë, sikurse Perëndia e ngjalli nga të vdekurit Mesinë, Zotin tonë, ashtu edhe ne do të na ringjallë për jetën e re.

—Letra 1 Korintasve 6,14

Një njeri i vetëm i solli tërë njerëzimit vdekjen; po kështu një Njeri i vetëm sjell ringjalljen nga të vdekurit. Të gjithë njerëzit i takojnë Adamit, prandaj ata

duhet të vdesin, por në qoftë se lidhen me Mesinë, ata marrin jetën e re. Por gjithçka ndodh sipas një radhe të caktuar. Si më i pari, Mesia u ngjall nga të vdekurit. Në rastin e kthimit të tij, do të ngjallen ata që i takojnë.

—Letra 1 Korintasve 15,21-23

Ati im do që të gjithë ata që shohin Birin dhe i besojnë atij, të kenë jetën e përjetshme. Unë do t'i ringjall të gjithë nga të vdekurit ditën e fundit.

—Gjoni 6,40

Por ju do të më shihni dhe do të jetoni, sepse edhe unë jetoj.

—Gjoni 14,19b

MOS E LË PAS DORE KËTË SHPËTIM AQ TË MADH

Kush e shkel Ligjin e Moisiut, vritet pa mëshirë, në qoftë se faji i tij caktohet nga dy ose tre dëshmitarë. Kini parasysh ç'ndëshkim më të rëndë do të meritojë ai që e përbuz Birin e Perëndisë dhe që e mban për asgjë gjakun e Besëlidhjes, me të cilin është pastruar dhe e shan Shpirtin e Atij që ia detyron mëshirën.

—Letra Hebrenjve 10,28-29

Kush më refuzon e nuk pranon se ç'them unë, tashmë e ka gjetur gjykatësin e tij; fjala që thashë, do të përdoret si dëshmi kundër tij ditën e fundit. —Gjoni 12,48

Prandaj, ju thashë se do të

mbaroni për shkak të mëkateve tuaja. Në qoftë se nuk besoni se UNË JAM (Zoti), do të mbaroni për shkak të mëkateve tuaja.

—Gjoni 8,24

Miqtë e mi, unë po ju them: mos kini frikë nga ata që vrasin trupin, dhe pastaj nuk mund të bëjnë asgjë tjetër! Do t'ju tregoj nga Cili duhet të keni frikë: kini frikë nga Ai, i cili pasi vrau, ka pushtet të hedhë në ferr! Po ju them, kini frikë nga Ai. —Luka 12,45

Atëherë si do të shpëtojmë ne, në qoftë se e përbuzim veprën e madhe të shpëtimit të Perëndisë?

—Letra Hebrenjve 2,3a

Sepse Ai caktoi një ditë, kur me drejtësi do ta gjykojë botën me anë të një Njeriu, të cilin e ngarkoi me këtë gjë. Këtë e dëshmoi Perëndia para tërë botës duke e ngjallur nga të vdekurit.

—Veprat e Apostujve 17,31

Ati ia dorëzoi Birit mbarë pushtetin e Tij gjykues; vetë s'i jep askujt vendim gjyqësor. Të gjithë duhet ta nderojnë Birin, siç e nderojnë edhe Atin.

—Gjoni 5,22-23a

Në të vërtetë, të gjithë ne duhet të dalim në gjyq para Mesisë. Atëhere secili do ta marrë atë që meriton sipas asaj që ka bërë në

kohën e jetës së tij tokësore, qofshin ato vepra të mira, apo të këqija.

—Letra 2 Korintasve 5,10

Kur Perëndia do të bëjë gjyq për t'i gjykuar mendimet e fshehta të njerëzve, të gjitha këto do të dalin në dritë.

—Letra Romakëve 2,16a

Kjo do të ndodhë kur të vijë nga qielli Jezusi, Zoti, bashkë me engjëjt e pushtetit të tij dhe të gjithë do ta shohin. Ai do të vijë për t'i dënuar me flakë ata që nuk duan të dinë për Perëndinë e as nuk duan ta dëgjojnë lajmin e mirë për Jezusin, Zotin tonë.

—Letra 2 Selanikasve 1,7b-8

42 JO TË GJITHË ATA QË PRETENDOJNË TË JËNË NXËNËS TË JEZUSIT I TAKOJNË ATIJ

Këta njerëz pohojnë se e njohin Perëndinë, por me anë të veprave të tyre provojnë të kundërtën.

—Letra Titit 1,16a

Kush nuk e ka Shpirtin që jep Mesia, ai nuk i takon atij.

—Letra Romakëve 8,9b

Kështu populli im hyn turmaturma për të dëgjuar se çfarë ke për t'i thënë, por ata nuk bëjnë se çfarë ti i urdhëron të bëjnë. Në buzët e tyre kanë fjalë të bukura, por e vazhdojnë mënyrën e tyre të jetës lakmuese. —Ezekieli 33,31b

Ky popull më nderon vetëm me

fjalë—thotë Zoti—por zemra e tij është larg meje. —Mateu 15,8

Jo çdo njeri që më thotë vazhdimisht 'O Zot', do të hyjë në mbretërinë e Zotit, por vetëm ai që kryen vullnetin e Atit tim që është në qiell. Në ditën e gjyqit shumë njerëz do të më thonë: 'O Zot, o Zot, në emrin tënd a nuk profetizua, a nuk dëbuam shpirta të këqij, a nuk bëmë shumë mrekulli?' E megjithatë unë do të nxjerr këtë vendim: Kurrë nuk ju kam njohur! Nuk e keni kryer vullnetin e Zotit: Largohuni prej meje! —Mateu 7,21-23

NXËNËSIT E VËRTETË TË JEZUSIT E DËGJOJNË 43

Në qoftë se e dëgjojmë Perëndinë, mund të jemi të sigurtë që e njohim.
—Letra 1 e Gjonit 2,3

Unë do të vë në ju shpirtin tim dhe do të shikoj që t'i ndiqni të gjithë urdhrat që jua dhashë.
—Ezekieli 36,27

Pasi ia arriti qëllimit, tani mund t'i shpëtojë përgjithmonë të gjithë ata që i nënshtrohen.
—Letra Hebrenjve 5,9

Në qoftë se Mesia vepron te ju, ju vërtet i jeni nënshtroar vdekjes fizike për shkak të mëkatit, por meqë Perëndia ju ka pranuar, Shpirti i tij ju jep jetën... Në qoftë se jetoni sipas natyrës suaj

egoiste, do të vdisni. Do të jetoni vetëm atëherë kur të pranoni që të veprojë ne ju Shpirti i Perëndisë; vetëm kështu do të mënjanohen dëshirat tuaja egoiste.
—Letra Romakëve 8,10.13

Sepse vetë jemi krejtësisht vepër e tij. Me anë të Jezusit, Mesisë, Perëndia na krijoi për vepra të mira; na destinoi për një jetë të re të përpiluar sipas planit të parë të Perëndisë.

—Letra Efesianëve 2,10

Kush thotë se i takon Zotit, duhet të largohet nga gjithçka që s'është në përputhje me karakterin e Tij. —Letra 2 Timoteut 2,19b

Në qoftë se njerëzit e botës rebele ju urrejnë, kini parasysh se më urryen mua më parë. Bota do t'ju donte si fëmijët e saj, po t'i takonit asaj. Por unë ju zgjodha prej botës, dhe ju nuk i takoni asaj. Për këtë arsye bota ju urren.

—Gjoni 15,18-19

Do të shkojnë aq larg saqë kushdo që t'ju vrasë do të mendojë se kështu i shërben Perëndisë. Të gjitha këto do t'ju bëjnë, sepse nuk njohin as Atin tim e as mua. Por të mos ju lëshojë zemra: unë e munda botën.

—Gjoni 16,2b-3.33

Shikoni se si Ati na deshi shumë. Dashuria e tij është aq e

madhe saqë na quan fëmijët e tij. Dhe jemi vërtet. Bota nuk na kupton, sepse nuk e njeh Perëndinë.

—Letra 1 e Gjoni 3,1

Ne duhet të kalojmë nëpër shumë vështirësi para se të hyjmë në mbretërinë e Perëndisë.

—Veprat e Apostujve 14,22b

Secili që dëshiron, në lidhje me Jezusin, Mesinë, të bëjë një jetë që i pëlqen Perëndisë, do të pësojë përndjekje. —Letra 2 Timoteut 3,12

Të gjithë do t'ju urrejnë, sepse më takoni mua. —Luka 21,17

Mos ki frikë, Unë jam bashkë me ty. Unë jam Perëndia yt—asgjë të mos tmerrojë ty! Unë do të forcoj dhe do të ndihmoj ty; do të mbroj dhe do të shpëtoj ty.

—Isaia 41,10

Edhe në qoftë se ati im dhe nëna ime më mohojnë, ti, o Zot, më pranon.

—Psalmi 27,10

Le të themi plot besim: Zotin e kam në ndihmë. Tani s'kam më frikë. Çfarë mund të më bëjë njeriu?

—Letra Hebrenjve 13,6

Ju duhet të konsideroheni të lumtur kur ju shajnë, për shkak se i takoni Mesisë, sepse atëherë Shpirti i Perëndisë ju ndihmon,

ky Shpirt, në të cilin është e pranishme madhështia e Perëndisë.

—Letra 1 e Pjetrit 4,14a

Perëndia u dha urdhër engjëjve të vet, që të të mbrojnë, kudo që të shkosh... Edhe në qoftë se rruga më çon nëpër luginën e errët të vdekjes—s'kam frikë!

—Psalmet 91,11; 23,4a

Mund të qëndroj përballë gjithçkaje, sepse Mesia më jep forcën e nevojshme. Perëndia, të cilit i shërbej, do t'ju japë gjithçka që ju duhet. Me anë të Jezusit, Mesisë, na dhuron me pasurinë që i përket madhësisë së tij.

—Letra Filipianëve 4,13.19

Vështirësitë në të cilat jeni vënë, nuk janë tej masës njerëzore. Perëndia është besnik. Ai nuk do të lejojë t'u shtroheni provave që i tejkalojnë fuqitë tuaja e, bashkë me prova, do t'ju japë rrugëdalje e forcë për t'u qëndruar. —Letra 1 Korintasve 10,13

Prandaj t'i afrohem i fronit mbi të cilin është ulur i Mëshirshmi. Atje do të gjejmë gjithnjë, kur të kemi nevojë për ndihmë, dashuri dhe mëshirë. —Letra Hebrenjve 4,16

Por, në qoftë se jetojmë në dritë, siç është edhe Perëndia në dritë, jemi të lidhur me njëri-tjetrin, dhe

gjaku i Jezusit, Birit të tij, na mban të pastër nga çdo mëkat.

—Letra 1 e Gjonit 1,7

Ruhu nga epshet që vënë në rrezik një të ri. Përpiqu për atë që është në përputhje me karakterin e Perëndisë; besimin, dashurinë dhe paqen me ata që marrin anën e Zotit me ndërgjegje të pastër.

—Letra 2 Timoteut 2,22

Për këtë Perëndisë duhet t'i nënshtroheni me bindje të plotë. Kundërshtojeni Satanin dhe ai do të ikë nga ju.

—Jakovit 4,7

Atë që the, ngul në vete, sepse nuk dëshiroj të bëhem fajtor para teje.

—Psalmi 119,11

LUTJA E VËRTETË ËSHTË BASHKËSI ME PERËNDINË

47

Fjalët e tua i mbaj mend; ti the:
'Eja tek unë!' Prandaj e kërkoj
praninë tënde, o Zot. —Psalmi 27,8

Perëndia është Shpëtimtari im,
ai mbron nderin tim. Ai është
shkëmbi im i fortë, strehimi im!

—Psalmi 62,8

O Zot, më shëro dhe unë do të
jem plotësisht i shëndoshë; më
shpëto dhe do të jem plotësisht në
siguri!

—Jeremia 17,14

Lutuni pa pushim. Falënderoje-
ni Perëndinë në çdo situatë të je-
tës. Perëndia e kërkon këtë nga
ata që janë të lidhur me Jezus Me-
sinë. —Letra 1 Selanikasve 5,17-18

Por, në qoftë se njëri nga ju nuk
e di se ç'duhet të bëjë në një rast
të caktuar, t'i lutet Perëndisë për
urtësi. Perëndia do t'ia japë, sepse
jep me qejf dhe me bujari.

—Letra e Jakovit 1,5

Në qoftë se ju mbeten të lidhur
me mua dhe fjalët e mia veprojnë
në ju, mund të luteni për gjithçka
që doni, dhe do ta merrni.

—Gjoni 15,7

Po ta kisha të keqen ndër mend,
Zoti nuk do të më dëgjonte . . . Për
hir të nderit tënd, o Zot, ma fal fa-
jin tim—aq i madh është ai!

—Psalmet 66,18; 25,11

Kur të dalë urdhri i Zotit, kur të thërrasë kryeengjëlli, kur t'i bjerë trumbetës, vetë Zoti do të zbresë nga qielli. Më së pari, do të ngjallen të gjithë ata që vdiqën duke i besuar Zotit. Vetëm atëherë ne që mbetemi gjallë, do të rrëmbehemi bashkë me ta në takim me Zotin që vjen në re. Ky takim do të ndodhë në hapësirën ajrore. Kështu do të jemi përgjithmonë me Zotin.

—Letra 1 Selanikasve 4,16-17

Miqtë e mi të dashur! Këto premtime kanë të bëjnë me ne. Prandaj le të pastrohemi nga gjithçka që na e njollos trupin ose shpirtin. Ta marrim seriozisht

vullnetin e Perëndisë dhe të mundohemi të bëhemi ashtu siç do ai.

—Letra 2 Korintasve 7,1

Atëherë do të jemi plot besim, kur të duket ai dhe s'do të ketë nevojë të kemi frikë që ai do të na dënojë kur të vijë.

—Letra 1 e Gjonit 2,28b

Edhe ju duhet të kini durim! Merrni zemër, sepse dita kur të vijë Zoti, është e afërt. Mos u ankoni për njëri-tjetrin, vëllezër, që të mos ju dënojë Perëndia. Gjyqtari rri pranë derës.

—Letra e Jakovit 5,8-9

Ju, pra, duhet të jeni gati, sepse Biri i njeriut do të vijë kur ju nuk e pritni!

—Luka 12,40

MBUSHU ME SHPIRTIN E SHENJTË

Kushto vëmendje kur unë të qortoq ty; unë do të jap këshillë të mirë dhe do të ndaj me ty dijeninë time.—Fjalët e urta 1,23

Lërimi mëkatet tuaja dhe pagëzohuni të gjithë në emër të Jezusit, Mesisë, që t'jua falen mëkatet e që të merrni Shpirtin e shenjtë.
—Veprat e Apostujve 2,38b

Mos u dehni me verëra, sepse vera shkakton humbjen e vetëkontrollit. Më mirë mbushuni me Shpirtin e Perëndisë. ...Këndojini Zotit dhe falënderojeni me gjithë zemër. Falënderojeni, në çdo rast, Perëndinë, Atin, për çdo gjë në

emër të Zotit tonë Jezusit, Mesisë. Njëri duhet t'i shërbejë tjetrit siç e kërkon respekti i thellë për Mesinë.

—Letra Efesianëve 5,18-21

Sepse Perëndia ju jep jo vetëm vullnetin e mirë, por edhe vepron në ju, që të realizohet qëllimi i mëshirës së Tij.

—Letra Filipianëve 2,13

A nuk e dini ju se, si bashkësi, jeni Tempulli i Perëndisë e se Shpirti i Perëndisë banon në ju? ...Ju jeni bërë pronë e Perëndisë me çmim të lartë! Prandaj nderojeni Perëndinë duke e përdorur drejt trupin tuaj.

—Letra 1 Korintasve 3,16; 6,20

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Falas — jo për shitje

World Missionary Press
PO Box 120
New Paris, IN 46553-0120 USA
www.wmpress.org

10-24



Read booklets online or by App
www.wmp-readonline.org
1552 Albanian HKG